

Ander Kriegs / vnd Buß Predigt.

27

Ihesu schlägt mit vnbarmerziger Straupe. Schrey / mein Volck / vber dein
 grosse / grosse Abgötterey / Schacherey / Bucherey / Schinderey / die du biß
 daro gerrieben. Dann die ist / vmb deren willen dich der H e r r Ihesu schlägt
 mit vnbarmerziger Straupe. Schrey / mein Volck / vber dein grosse / grosse
 Haukeren vnd Hereren / die du biß daher gerrieben / dann die ist / vmb deren
 willen dich der H e r r Ihesu schlägt mit vnbarmerziger Straupe. Schrey /
 mein Volck / vber dein vbermacht Fluchen vnd Gottslethern / so du biß daher
 vom höchsten biß zum niedrigsten gerrieben. Dann die ist / vmb deren willen
 dich der H e r r Ihesu schlägt mit vnbarmerziger Straupe. Schrey / mein
 Volck / vber den grossen Meynãd / vnd grosse Leichtfertigkeit / so du damit bißhen
 geübet. Dann die ist / vmb deren willen dich der H e r r Ihesu schlägt mit vn-
 barmerziger Straupe. Schrey / mein Volck / vber andere deine Stadt . vnd
 Land Sünde / vber die Verachtung Gottes Wort / vber die Verachtung vnd
 Vngehorsam der Obrigkeit / vber die Hurerey vnd Ehebruch / vber den vber-
 machten Stolt vnd Pracht / vber alle andere grosse Sünde vnd starcke Misse-
 thaten / die du biß daher geübet hast. Dann die / die sind / vmb deren willen dich
 der H e r r Ihesu schlägt mit vnbarmerziger Straupe. Schrey aber nicht al-
 lein drüber / sondern erkenne diese deine grosse Missethat / diese deine starcke
 Sünde / habe Kew vnd Leid darüber / vnd bit Gott vmb Gnade / laß ab von die-
 sen deinen grossen Missethaten vnd starcken Sünden. Thust du das / wol vnd
 gut. Thust es nicht / so wird der H e r r mit seiner vnbarmerzigen Strau-
 pen forfahren / mit derselbigen auff dich zuschlagen / so lang / biß du dich für ihme
 demüthigen / vnd dein Vnrecht / mit den Jüden in der Babylonischen Gefäng-
 niß / erkennen wirst. So du aber dich gar nicht demüthigen / vnd deine grosse
 Missethaten vnd starcke Sünde erkennen wirst / so wird der H e r r dir end-
 lich den endlichen Garauß machen / dir Kopff vnd Schwanz abhawen / vnd
 vor seinem Angesicht gang vertilgen.
 Ich hülf / H e r r / du frommer Gott / daß wir vnser grosse Missethaten / Gebet hierumb
 vnd starcke Sünde erkennen. Sieh Gnad / mildreicher Vater / daß wir 10. Ditt
 von diesen vnseren grossen Missethaten vnd starcken Sünden abste-
 hen / vnd davon von Herzen bekehren. Verschon / O Gnädiger / Barmher-
 ziger G D t / du Brunnquell aller Güte / vnser mit deiner gerechten Zorn-
 straff / züchtige vns aber mit deiner milden Vaterstraff. Siehe / wir sind
 deine Kinder / vnd zwar leider / leider vngesamte Kinder / du aber bist
 vnser frommer milder Vater / wende Gnade ein / vmb deines Namens
 Ehr vnd vnser Seligkeit willen. Dir sey hiermit Lob vnd
 Danck in vnendliche Ewigkeit / Amen.

D ij

Die

zu Blatt

036

034

040

030

045

025

085

Ende

Anfang